

書名	陸贄集			紙
冊數	6	版別	前	年
議價	8元	議價章	月	日
編號	7字第 339			號

北京古籍出版社印刷



90699

隨菴集



隨菴集

序二



詹事錢唐高君受

聖天子特達之知供奉

禁庭自始授官迄今爲宮端歷十有餘年所論著甚多而獨取其紀遇述恩之詩得如干卷號隨輦集蓋本

御製詩翰林隨輦進辭章之句而命之者也余受而讀之卒業而歎曰盛矣哉明良相得之時也詩書所載虞廷之上帝庸作歌臯陶颺言爲應制奉和詩篇之始其後惟召康公從遊卷阿作詩十章爲陪幸詩篇之始蓋幾千百

隨輦集

序三

年而一再見於六藝之文也有漢武明之世雖盛興文學登集儒雅然金門延閣之英侍直扈遊之作邈無聞焉唐初應制之篇最爲弘富巨山廷碩雲卿延清諸家尤多然集中所傳數詩而已張燕公途中寒食有云明年陪宴作清明誠自幸其得依於仙蹕而又自願其常奉宸極也誦韋左司十五侍皇闈之句卽知其爲三衛然而永泰而後不聞嗣響蓋禁近嚴遠之地侍從顧問之臣非其人則不能以久處非其才則不能以有述以故詩

之傳者爲少也。詹事之爲人，篤誠謹謚，祕談溫室之樹，而其才之博麗閒敏，不啻相如子雲之儔。十餘年間，陪研席侍曲宴。

天章聖藻，有和。有賡。其或奉

屬車之清塵，從長楊之羽獵，倚鞍獻歌，書鞭成

賦，乃至。

殊恩洵被，錫予便蕃，莫不授簡濡毫，緣情體物，以慶其遭逢之異，抒其忠愛之忱，宜其辭之工且多也。昔人之自名其集者，或以其官階別號，或以其時之紀元，或以其所遊宦之地，或

隨輦集

序四

以其所居之山川而莫張大於李衛公之會昌一品集，迄今觀之，未有以見其追虞廷之賡載，繼召公之矢音也。亦無有專以呈御之詩都爲一集，至連卷疊帙者。詹事密勿

帷幄之中，雍容

輿衛之側，以著肆好之風，穆如之頌，豈不夙絕矣乎。予以見

聖天子之文思稽古，光寵儒學之臣而詹事之榮遇，又非外廷諸臣所得而幾也。更幾千百年之遠，讀是集者，有不嘆羨于生逢其際，如置

身於虞周之盛也哉崑山徐元文謹序

隨輦集

序五



隨輦集卷第一

日講官起居注詹事府少詹事兼翰林院侍講學士

臣高士奇

懋勤殿侍直仰瞻

皇上親灑

宸翰恭紀

晝長宮殿午簾清。鳳髓和香寶硯精。落紙雲烟光爛漫。臨池風雨氣縱橫。躍龍臥虎從心得。抉石奔泉任意成。親見

至尊揮翰藻。小臣驚喜戴

神明

隨輦集

卷一

恩賜

御書存誠二大字恭紀

舒卷天然體勢莊。雲書鼎篆總難方。頒從玉案千年澤。捧向丹除五色光。珍重錦函藏

寶翰。寵榮茅屋麗

天章。迂疎儒術慚無補。願潔愚誠答

聖皇

懋勤殿侍直

命賦晚晴

西風過雨落槐花。殿角虹消萬縷霞。碧甃朱



櫺自交映秋光先入

御屏紗

乾清宮侍直裳

賜金盤時果八種恭紀

碧天如拭晚涼輕秘殿前頭月影橫中使莫
言遲退食滿擎珠顆出乾清

桃二種

細核紫紋稱第一上林秋至熟多時飽餐欲
笑金門朔滋味當年恐不知

玉李

隨輦集

卷一

二

碧實初沈玉井冰莫將佳話說房陵甘鮮寒
脆仙家種傳與人間得未曾

朱李

交榦盤根內苑栽光明色奪紫瓊瑰承

恩晚直安陽殿降賜疑從天上來

魏安陽殿前
天降朱李

蘋果

新香拂拂摘芳林澹碧微紅蘊素心故事休
傳王逸少青囊何用乞來禽

蓮子

蓮葯新收太液池黃金盤裏玉參差幾回碎

嚼寒漿。迸想像紅衣。裊露時。

鮮菱

紫角青苞水府鮮。中官初進。

御筵前。野人那識瀛洲味。翻憶西湖過雨天。

銀杏

翠顆溫瑩韻最高。人將鴨脚比金桃。西風結實秋偏早。

雨露原來不濫叨。

懋勤殿秋蘭應

制

隨輦集

卷一

三

玉琯涼初至。秋蘭應候榮。香傳風氣遠。葍浥露華輕。郁郁叢青葉。亭亭發紫莖。栽培多雨澤。邀賞愜

皇情

恩賜內緞表裏。四端白金五十兩。恭紀

秋來

內殿敞新晴。忽訝高天湛露傾。文綺尚題常貢字。精鏤盡載職方名。斑衣奉母添家慶。翠軸藏書付後生。

擬購書以貽子孫

不羨長卿工賣賦。

恩光原自渥金莖。

懋勤殿侍直

上親灑

宸翰書忠孝二字

賜臣士奇拜手恭紀

碧天迢遞霽秋霖

繡屐當前列古今兩字

親題揮寶翰孤蹤竊幸奉

綸音常懷闕下傾葵志敢忘江干負米心盤錯自
維非利器終期仰答

主恩深

隨輦集

卷一

四

扈從南苑恭紀

曉從

宸遊出鳳城郊原雲物淡秋晴金莎碧草行來穩
十里新鋪輦路平

其二

繚垣深處綠茵長秋水澄空映夕陽乍入大
紅門裏望輕烟漠漠樹蒼蒼

其三

行宮前面古槐深向晚弓刀集羽林共聽鐘
聲嚴宿衛勤勞原是侍臣心

其四

細雨濛濛濕不開，濃雲遙隔涼鷹臺。
驚聞鏡吹喧闐發，知是

君王視膳回。

其五

慈仁聖母駐新宮，定省朝朝禮數崇。

親奉

翠輿遊賞遍，歡聲直徹紫霄中。

其六

天馬騰驤校獵歸，六曹啓事立斜暉。
懸知

隨輦集

卷一

五

睿主勤民切，不使遊田礙萬幾。

其七

雨後秋光散晚烟，西山翠與白雲連。
商飈幕外蕭蕭至，早見新蟾挂遠天。

其八

載筆朝隨豹尾班。

恩深日許識

龍顏，書生近喜驅馳慣，勝訪蓬壺海外山。

其九

大野西風吹落木，高天爽氣下平蕪。
仁虞陸

海由來舊渚雁汀葭總畫圖

其十

腰圍帶減侍

臨軒口勅初傳

天語溫羽衛一時爭問姓遭逢何必羨文園

時偶患疾

蒙恩賜醫調治

上幸清河回宮蒙

賜鮮魚六十尾恭紀

愷樂方歌在藻篇嘉魚給自

御墀前銀梭紫鰕堆盤重錦鬣華魴出水鮮拜

隨輦集

卷一

六

賜渾如探丙穴持歸應不羨深淵小人有母將垂

白甘旨時時沐

九天

其二

絳闕迢迢發曉颺尊鱸且莫動秋思纔從靈

沼開軒幌已見文鱗出釣絲上苑

新恩分縷鱠客厨佳味佐烹葵綠簑青笠貧家子

猶記桃花水漲時

養心殿前白石榴初熟

上摘賜一枚敬以其半攜歸繪圖恭紀

塗林異種人間少臘紙斑螺帶露香向曉玉

階

親摘賜侍臣最渴得先嘗

其二

上林霜飽擘珠囊却比臣心獻

帝傍

圖作一房半開其實剖露故云

縱是徐熙能點筆何勞百顆

費丹黃

宋太宗因閱圖書見熙畫安榴樹一本帶百餘實嗟異久之曰花果之妙

吾獨知有熙矣

敬觀

御筆金書

隨輦集

卷一

七

聖製賜撫遠大將軍詩二首恭紀

墨華飛處動光芒六義兼收八體長為念勞

臣安攘力特將

飛翰賜遐方

其二

玉躡金題光

御藻綉函赭帕出

楓宸懷柔有道圖方遠要使巖疆雨露新

其三

宵旰年來切

聖衷文謨武烈事堪同只今擬建凌烟閣先紀平

秦第一功

其四

秋空初淨碧琉璃

玉殿晴開幾暇時不是尋常怡翰墨昭昭日月

本無私

聖駕巡幸回宮晚刻蒙

賜酥餅八盤恭紀

玉宇瓊樓秋氣高

次日
立冬

輕寒向晚入宮袍

六龍初返雲中駕九鼎齊焚月下膏飽飫珍厨

隨輦集

卷一

八

仙饌美歸誇華戶

聖恩叨素餐未盡涓埃報空對西風歎二毛

上遊後苑弩射野禽

賜臣士奇恭紀

內苑怡情聽政餘神機縱發總無虛寧勞羽獵

誇詞賦向晚呼名

賜玉除

養心殿侍直蒙

恩賜狐腋裘一襲紫貂裘一領內紵二端恭紀

秘殿承

恩雨露頻早寒天氣賜衣新豐貂粹腋千金貴繁
總鮮機一色勻薄學有慚稽古力愚誠但效
負喧人因思被服真無限長短偏宜穩稱身

其二

曉啓金鋪映陸離鳳裘鸞錦各新奇光華欲
奪明霞燦溫暖全勝旭日披幾載青衫淹巷
陌一朝紫綺立階墀

虞廷快覩垂裳理獻納安能補寸絲

敬觀

御筆臨趙孟頫所書秋興賦恭紀

隨輦集

卷一

九

七寶宮爐起篆烟雲窻高敞小陽天輕圓獨
運文犀管灑落

親揮彩鳳箋矩矱端嚴鋒愈斂神思閒暢格彌堅
常從玉案前頭立如覩羲皇畫易年

晚刻下直蒙

賜珍果八盤恭紀

天斂寒雲下夕陽歸鞍偏惹御爐香朝朝滿
袖攜甘旨絕勝萊衣舞北堂

上幸先農壇回宮蒙

賜鮮雉恭紀

豫遊

龍轡轉夕景，曜丹扉。氣肅神鷹健，天寒野雉肥。膏
分珍味出，羽帶錦文歸。飲啄山梁意，難言報
德輝。

恩擢內閣，撰文中書舍人支正六品俸於禁城內。

給賜房屋供奉

內廷感戴

隆恩恭紀四十韻

出入丹青裏，瞻依黃屋尊。自天真咫尺，觀

帝獨朝昏。弱質憑昌運，殊榮感

隨輦集

卷一

十

聖恩本宜隨，斥鷃誰敢望。溟鯤吟睞臣，何幸遭逢

意乍騫音軒

寵偏分內直，職並掌王言。路接層雲近，身叨湛露

繁螭幼承

顧問麟館得，攀援綺織隨時錫。貂裘被體溫，朱提

籠袖重華服，就鞍翻數年以來時蒙紫貂白狐宮符銀兩之賜

睿藻題忠孝八月初一日蒙賜御筆存誠二字即以奎章示子孫七月

日蒙賜御筆存誠二字即以晶瑩

宸墨潤鬱郁，御香存興慶。頻簪筆，甘泉每負鞬。賦

非揚馬擅才，愧賈終掄攬轡看斜漢，披衣趁

曉敷含毫今七載

康熙十年蒙翰林院辦事次年閏七月

二十五日

召見

懋勤殿賦七言律詩五

言律詩各一首應制嗣後時蒙

恩召歷今

七賞幟昔三番

康熙十年四月初三日翰林院奉勅考試雷用十一年

十一月十五日翰林院奉勅再試十二年

十二月八日翰林院奉勅再試十二年

次試卷進呈蒙

聖恩俱擢第一

員霑一命

異數霈重閣

康熙十四年設立詹事府蒙特旨授臣士奇錄事既濫東明

署俄遷紫掖垣賤應嘲野鴿迂不類朝鵷官

豈微名稱心惟矢報敦三才誠忝竊四戶寄

籬藩第向池頭給書容殿上繙

隨輦集

卷一

十一

賜糈增玉粒飫膳訝熊蹯社臘歸攜肉宗祠辦采

繁移家鄰北闕寓直傍西崑雞犬瀛洲駐烟

霞碧海吞當階堪咏藥夾砌且栽萱秘籍藏

多帙囊緗駕兩轅從茲趨

禁幄那復戀丘園憤憤空糜祿庸庸止素飧

文思太始

漢武帝年號

應

制擬開元長樂鐘催曙嚴扃漏絕喧仙班清切

侍周衛省廬屯令節金旛勝新年白獸樽有

懷期破浪無計可尋源秕粟虛秋穗車渠玷

魯璠光輝邀日月造化荷乾坤嘉蔭寒蟬託

羈栖老鳳蹲，倘能資鼓鑄，努力效盤根。

同侍講學士臣張英初至

南書房侍從月下退朝

汀鷗野鷺接鵷行，秘殿承

恩夜未央，喜得橫經窺

聖蘊，時從給札奉

天章，輝輝寶炬明雕几，爛爛寒星耿玉潢，退食從

容宮漏靜，馬蹄歸路有清光。

天府寶翰篇 并序

康熙十六年十二月二十一日

隨輦集

卷一

十一

賜觀內府所藏王羲之懷素顏真卿蔡襄蘇軾黃

庭堅米芾朱熹趙孟頫董其昌真蹟共十六

卷初榻淳化帖全部皆希代之珍也

承

恩日直端明殿，萬軸圖書日常眩，爐烟細貯沉水

香，朝暎靜射紫雲硯，親傳

天語命賜觀，捧來照耀生波瀾，縹囊絢彩錯綺繡

琅函欵識鏤朱丹，初看快雪時晴字，右軍腕

下有生致裁成點畫體勢殊大，令縱橫未能

嗣王羲之快雪時晴真蹟次看唐僧懷素書龍蛇變幻

雲卷舒，縑素黯淡微，可辨屈指，傳自大曆初。

懷素千文并詩二卷 摩利經文，巨川勅紙，背猶然透筆。

力昂昂，正氣顏平原，使人見此，增歎息。顏真卿書

摩利支天經，朱巨川誥二卷 東坡作楷，巨如拳，怒猊抉石。

勢奔泉，漁樵山水意，豪恣書在黃州，再閩年。

蘇軾書滿庭芳詞在黃州作 君謨行草，珍南金，山谷筋骨。

何蕭森，襄陽米老復超越，對之朗朗開胸襟。

蔡襄黃庭堅行書各一卷，米芾書山水歌一卷 晦翁揮毫，疑臥虎子。

昂道媚，邁前古。朱熹書游仙詩一卷，趙孟頫書古文二卷 衣冠古。

穆畫者誰，華亭跋云周文矩。周文矩畫說，劍篇董其昌書跋

隨輦集

卷一

三

就中宋錦斑斑紅，淳化祖本鐫摹工，流傳人。

間稱第一，天球弘璧將無同。宋初榻淳化閣帖全部 香。

檀秘笈，護何帙，鰕鬚小簾纏裏密。仙人楊義和書內景

經宋徽宗題為右軍書，江南韓氏家藏，今歸天府，有鰕鬚草為小簾，裹之以避濕氣。

黃素黃庭內景經，百行小楷姿橫逸，葵花紋。

綾裝潢精，宣和玉璽硃砂明，對之神采獨貽。

宕，飄飄如御天風行，此卷向在江南久，結綠。

懸黎價無偶，千年異蹟冊府登，肯使終為塵。

寰有我。

皇幾暇臨墨池鸞，驚鳳舉天然姿，結構往往字方。

丈頡書義畫安足師民和時豐事咸理雲屏
左右列圖史瑤箋繭紙取次看

宸心湛湛顏有喜小臣執筆遜虞褚春蚓秋蛇詎
堪數玉筍之藏得盡窺拜手歸來作書譜
懋勤殿古榦梅花發紅白二種應

制

●上林春色暗相催一樹新開殿裏梅素艷欲
欺瓊圃雪紅芳疑泛紫霞杯欣逢暖律吹噓
早漸識東風次第來古榦獨當霜霰候豈同
凡卉點莓苔

隨輦集

卷一

古

恩賜文狸長褂恭紀

紫宸供奉朔風寒再捧宮裘夾道看補裘未能
臣職賤

賜衣先及

主恩寬豐茸被體溫隨至。綈襲趨朝臘未殘。漫擬
詩人歌有曜。回憐鼯鼠技難安。

雪中直

南書房恭紀

積雪明丹陛。凝雲護太微。舞空花亂影。入戶
蝶輕飛。萬象含清照。羣靈集素暉。凌晨方漠

漢向夕轉霏霏皎澈黃金殿光添白玉扉
占年書大有紀瑞侍

皇闈漏刻聽還靜塵囂到更稀
爐深回煖氣閣迥肅寒威
霑灑同千里歡欣遍九圍
承恩遲退食歸路點朝衣

丁巳除夕侍宴

養心殿應

制

鳳燭輝煌瑞靄中宮花高插

御筵紅金鏞雅奏鈞天樂
玉律初回獻歲風
乙夜

隨輦集

卷一

五

杯深虬箭緩辛盤香暖雉膏融
來朝春色應如海會看車書萬國同

隨輦集卷第一終

隨輦集卷第二

日講官起居注詹事府少詹事兼翰林院侍講學士 臣高士奇

戊午元旦侍宴

養心殿應

制

寶曆初開鳳紀新。萬方玉帛慶元辰。香傳柏
葉杯中酒。歌動梅花笛。裏春衍衍謳吟歸正
朔。雍雍品物樂鴻鈞。小臣幸際唐虞日。願得
年年侍

聖人。

隨輦集

其二

卷二

一

青陽淑氣滿乾坤。樓閣祥雲捧

至尊。鵷鷺兩行依

繡幄。笙簫一派引金樽。臣心願比春水潔。

天語真同化日溫。稱祝華封歌既醉。還將斑管紀
殊恩。

元旦直

南書房恭紀

東風調暢入新年。晚漏追趨上九天。淑景乍
分金卮外。晴光初下玉墀前。柳枝帶雪舒仍

早梅蘂驚春放正妍。小草漸能知節候。迎暉
惟有寸心懸。

南書房梅花盛開恭賦

畫檻寒香點玉梅。條風送暖一枝開。灞橋野
岸應無數。那得移根上苑來。

其二

參差素影墨池傍。低護簾櫳暗度香。粉蝶翠
禽都不識。獨將幽意伴松篁。

上元

賜宴恭紀

隨輦集

卷二

二

韶年啓芳讌。麗景上丹墀。月皎珠躔近。風微
玉漏遲。羹鮮調石髓。膾細縷蓬池。夾道光輝
滿。華燈燄九枝。

養心殿看鰲山燈恭紀

絳殿燈明百寶光。山河日月映雕梁。畫船簫
鼓中流動。玉勒旌旗遠岸颺。四望雲霞疑有
色。千行桃李似聞香。虹橋花市渾難擬。北斗
低垂夜未央。

其二

高天明月下蓬萊。萬疊華燈面面開。火樹光

中遊獵去，銀蟾影裏踏歌來。桃源日暖秧旗插，柳陌風和社鼓催。一幅昇平好圖畫，神工收拾上春臺。

敬觀

御製詩恭紀

初升紫殿曛曛日，乍轉青陽藹藹風。得侍賡颺瞻

御藻，此身真在慶雲中。

其二

玉管

隨輦集

卷二

三

親題寶墨鮮，雲蒸霞蔚思如泉。高華遠勝三唐體，燦爛先生五色箋。

其三

禮樂昭垂鑒百王，撫

躬猶自誠無荒。豈同蘭沼秋香句，唐太宗有爽氣澄蘭沼秋香動

桂林之句但詠池臺風露涼。

其四

明月遙岑晚霽時

高居垂拱正無爲，千林積素光

宸翰，大地陽春入。

睿詞

孝昭皇后輓章

配虞鍾厚德翼夏有鴻休應地柔占協承

天內治脩方期歌雅化遽爾夢長游自此駮鸞鶴
追攀不可畱

其二

蘭殿朝暉冷椒宮夜月沉氣凝還作雨天慘
積成陰

詔舉千秋典哀深萬戶心敦倫瞻

聖主不禁淚涔涔

隨輦集

卷二

四

其三

彤史垂芳訓丹旌盛禮容螭盤金璽大龍護
玉衣重

母則畱貞順徽音紀肅雍

皇情傷內佐未忍問丘封

其四

歲啓親蠶候桑壇罷採時瑤階花有淚沙麓
鳥含悲載物陰靈坼潛光發影虧濯龍門外
草空自碧離離

其五

想有瑤池宴春風事盡非何來青鳥使忽共
綵雲飛。畫翼辭金祀。朱絲斷玉徽。蒼蒼不可
問。璧月少光輝。

其六

宿雨淨埃塵。微風送玉輪。威儀

天仗肅。彩翠鳳旗陳。夾道悲羣庶。臨軒感
一人。曉晴開碧落。擁護有諸神。

其七

仙闕靈應在。人間謚獨尊。掖庭懷

淑德。中外失

隨輦集

卷二

五

坤元霧暗華胥渚。星歸媯水源。小臣隨執紼。步
輓向郊原。

其八

嚴警城闈路。聲悲苑外天。愁看五明扇。淚灑
九重泉。黯澹山山色。淒清樹樹烟。

陵宮鬱蒼翠。翹望夕陽邊。

恩賜天花恭紀

并序

戊午年閏三月二十一日。臣士奇同翰林院
掌院學士。臣陳廷敬侍講學士。臣張英侍讀

臣王士禛直

南書房蒙

賜手敕云朕召卿等編輯適五臺山進至天花鮮
新罕有特賜卿等使知名山風土也恭紀

五峯佳品重黃輿早趨薰風貢

玉除異種乍分天上味新緘欣捧

聖人書香傳翠嶠同金葉花勝銀盤擬碧蔬此日
叨陪鷓鷯列敢將藜藿憶蓬廬

恩賜

御用涼帽一頂緞鞞一雙緞襪一雙紵羅表裏四

端恭紀

隨輦集

卷二

六

臣本櫻鞵布襪人登朝初卸縠皮巾

南史劉許着縠

皮巾披布襪
隱林谷之間

尚方服御頻霑

賜尺寸難消草莽身

涼帽

華冠灼灼燦朱纓摩頂終當戴

聖情下直晚過槐市曲路人爭羨魯諸生

鞞襪

錦綵層層千里裝

唐制有千里襪

烏皮六合稱銀黃

隋書云帝王用烏皮六合鞞

穿來玉礎丹楹下舉足應生

滿路光

紵羅表裏

內局新成鳳尾羅，寶花繡葉綻金梭。纔交首
夏春衣換早沐。

恩波出絳河

特旨

命臣英臣士奇於

禁中乘馬恭紀

并序

竊臣士奇草莽庸人，駑駘下駟，濫膺

聖眷，得給札於

隨輦集

卷二

七

彤庭今沐

皇恩，使垂鞭於

紫禁，上林春暖，障泥暗惹花香。

御路塵消，匝臣常粘柳絮，遭逢不世，矢報無涯。

恭紀千載一時敬賦七言四首

天街攬轡許承

恩草野何由覲

至尊從此曉烟宮，漏下直容款段到金門。

其二

幾載珂聲傍

紫宸馬蹄日踏鳳城塵瀛洲館閣高如許得沐
恩光有幾人

其三

禁籞深嚴羽衛森揮鞭一任騎駸駸雖無千
里騰驤力不負

天家豢養心

其四

長嘶久困鹽車路

聖主偏憐伏櫪情敢憶長林豐草畔願因驅策盡

平生

隨輦集

卷二

八

世祖章皇帝御書正大光明四字

皇上御製題跋勒石告成蒙

恩賜觀恭紀

奎章巍煥五雲生筆力神奇風雨驚受命

皇圖基正大紹庭

聖學日光明欣瞻藻筆臨摹法仰識宵衣繼述情
應有巨靈爲斲石鐫來螭虎重連城

恭和

聖製喜雨詩

油雲送雨遍層城苑柳宮槐暮靄輕會見東

臯農事足因知

天意愜

皇情

賜觀盆植人蓂一本恭紀

靈根獨帶三山秀
玉液偏涵五葉青
得見蓬萊天上種
願將瑞草紀

堯庭

恩賜

御筆仿趙孟頫秋興賦一卷草書唐詩二軸恭紀
紫殿垂衣服深宮論道頻
典謨時進德宵旰實

隨輦集

卷二

九

勤民義畫心同契
殷盤日更新文明昭黼黻
藻翰蘊丰神玉砌薰風度
牙籤永晝陳琉璃
開硯匣翡翠拂香塵
揮灑行行秀臨摹字字
真毫端奔萬象腕力等千鈞
勢拔騰蛟健規
添翥鳳馴自能超百代
不獨耀三辰

賜出雲霞燦擎來雨露均
縹囊光照灼螭璽篆嶙峋
皎素龍箋潔淋漓寶墨勻
拜

恩偏浩瀚捧視益逡巡
稠疊情彌忝涓埃感未伸
補戈思秘監作賦愧安仁
有喜

天顏近無涯

帝澤臻鍾王誠陋跡魏晉莫前人什襲新題錦流
傳奕禩珍茅齋生瑞色懽躍動比鄰

恩賜杭州貢至新茗二瓶恭紀

驚雷採就雨前芽蘭氣輕浮碧澗霞宮錦重
封包貢遠初從驛使到

天家

其二

龍團雀乳乍經春消渴文園

雨露新佳製漫稱金蠟面

南唐造研茶名曰金蠟面

品題慚

比玉堂人

宋端明學士蔡襄作茶譜

隨輦集

卷二

十

其三

珍重疑同沆瀣漿風來隱隱豆花香故山滋

味新霑

賜未奉高堂不敢嘗

其四

憶別鄉園十四年重看露蕊泛甌圓承

恩太液池頭住水遞何勞第二泉

恩賜人薇恭紀

退朝纔捧先春藥

前一日蒙賜新茗

入直重

頌瑞草根味奪仙芝凝秀色

蓬萊三山有金芝瑤草

質含

靈液抱真源海腴記採輕霜候海腴參名本草云八月則

採

天澤難逢湛露繁何用丹砂乞勾漏駐顏常得侍

金門

恩賜五臺山銀盤磨碁紀

載頒名菌下螭坳稠疊

君恩念草茅

閏三月二十一日曾賜五臺山天花

一種清芬香氣

別好將甘旨飮寒庖

其二

開函簇簇帶烟嵐滋味偏於野性甘領略清

隨輦集

卷二

十一

凉仙菜美嘉蔬何用說江南

恭和

御製郊外偶作

水綠乍添新雨色山青遙帶曉烟深嬉遊野

老柴門外盡沐

深宮化育心

恭和

御製郊外卽事

麥氣浮平野林光動曉枝雨餘農事足帝力

有誰知

恭和

御製復道口占

輦路傳清蹕，槐街列從官。共看仙仗肅，花影上雕闌。

恭和

御製夜靜讀書

金爐重爇水沉香，入夜渾忘刻漏長。典冊時披

高殿裏，直從三古遡鴻荒。

扈

隨輦集

卷二

三

蹕登景山恭紀

翠巘嵯峨擁

帝居，千門晴靄望中舒。臣今已際攀鱗日，身翼紅雲近太虛。

其二

飛甍畫棟一重重，十二雕闌對碧峯。白玉階前開輦道，宮槐搖曳綠陰濃。

其三

雲影沉沉送夕暉，山前較射草菲菲。侍臣不數穿楊手，弧矢今看

天子威

其四

細草新莎生碧甃，古槐高柳映朱楹。薰風纔過端陽後，聽得鳴蟬第一聲。

其五

離宮避暑晝方長，敞閣層軒隱日光。恍在蓬壺三島外，玉霄高處侍羲皇。

其六

別苑重垣網戶中，斑斕白額氣何雄。執戈盡是熊羆將，曾有當場射虎功。

隨輦集

卷二

三

上登虎城指侍衛謂臣曰
若輩俱有射虎之名

其七

龍葱仙境九成臺，石磴螭文暗綠苔。

聖主朝朝勤聽政，看山一月幾回來。

其八

得奉陪遊跨錦鞵，欣隨八駿白雲巔。兩行侍衛頻回首，笑指書生緩着鞭。

其九

晚天細雨浣輕塵，點筆驚看

睿藻新。慚愧庸材叨侍從，亦將名姓玷詞臣。是日

上御製夏日登景山詩援筆立就題中兼書同
翰林高士奇作時臣方任中書叨蒙
天語不勝
欣幸

其十

寶幄詩成蘊太和

宸襟畱賞向烟蘿無才可擬甘泉賦敢效卷音阿

一遂歌

扈從黑龍潭

石磴開層殿澄泓水一潭豐碑題歲月古瓦
護烟嵐變幻魚龍隱縱橫藻荇涵勤民時警
蹕駑足忝陪驂

隨輦集

卷二

古

命題臥佛寺娑羅樹

老樹蟠虬綠葉深空山古殿晝陰森周遮華
蓋題詩處飄拂涼風滿

聖襟

扈從碧雲寺

紺宇起中天鳴鑾上紫烟樹疑張繡幄水似
奏清絃長日紆

宸覽薰風入

睿篇晚看巖際月先向

御帷圓

命和龍湫亭壁上韻

勝地開林麓，鳴泉噴玉流。
清添篁竹映，靜與薜蘿幽。
炎氣銷朱夏，涼颺迴素秋。
停鑾邀

睿賞，名重帝王州。

扈從洪光寺應

制

拾級蒼苔滑，盤空磴道迴。
禽聲迎鳳吹，草色躍龍媒。
遠近山光列，高低柏影開。
攀躋上霄漢，喜傍

翠華來。

隨輦集

卷二

五

來青軒恭覩

御筆普照乾坤及龍飛六大字敬賦

高軒疎敞倚晴虹。

御墨畱題六字雄，浩浩乾坤天宇濶。
登臨時在

聖圖中。

扈從法海寺敬觀

世祖章皇帝御書敬佛二字碑恭紀

先皇畱寶翰，光彩曜珠林。
天矯龍蛇護，蒼茫歲月

深時勤。

明主孝，獨感侍臣心。
筆力純鈎健，巍然峙碧岑。

扈從聖感寺奉

敕題贈海岫和尚

齧雪空門三十年，寒無爐火坐無氈。
荒山宴息收春蕨，古洞經行汲夜泉。
重見花宮開寶筏，頓教梵宇布金田。

聖懷偶感曾畱蹕

宸翰新題日月邊

隨輦集

卷二

七

隨輦集卷第二終

Handwritten red ink scribbles, possibly initials or a signature, located in the upper left quadrant of the page.

Handwritten red ink scribbles, possibly initials or a signature, located in the lower left quadrant of the page.

